

籌辦夷務始末

籌辦夷務始末卷之五十四

道光二十二年壬寅六月丙戌

諭軍機大臣等。逆熒犯順以來。屢肆猖獗。貪贖尤難。以理喻。惟該逆聲譽。究不外牟利之心。此朕所深知。本日閱耆英等呈遞照鈔偽示。內有因該逆商船。誤傷廣東商人三名。故中國不許通商。該國求和。不肯保奏朝廷等語。廣東現在通商。未聞該夷有誤傷商人之事。且該逆如果真心求和。於通商而外。別無妄求。朕亦何樂而不罷兵。即令僅止求給香港一處。棲止貿易。或該國船隻。偶至閩浙口岸。暫時停泊。售賣貨物。旋即駛去。雖非舊例。然隨時變通。朕豈不思保全沿海生靈。聊為羈縻外夷之

術。無如該逆逞兇陷地。屢肆鴟張。既來犯境。即不得不集兵防堵。今觀偽示。該逆有悔罪之意。或可乘機開導。著耆英即密派陳志剛等。前往該處。作為已意。諭以大皇帝恩威並用。即如上年在廣東講說時。一面議及通商。一面即攻壞礮臺。大皇帝大度包容。並不計較。亦未有因誤傷人命。不許爾國通商之事。何以爾國徑赴沿海各省。妄行滋擾。占我城池。傷我百姓。須知天道好還。眾怒難犯。爾國似此行為。揆之天理人情。順乎逆乎。亦安能常享貿易之利乎。今汝既有悔罪之意。何不趁此商量。如果能將各船全數退回廣東。即刻罷兵。我必奏明大皇帝。將香港一處。賞給爾國。堆積貨物。與中國照常貿易。此外沿海省分。

如福建浙江海口。或每年約定時候。將貨船駛至口岸。我國必派官員代汝照料。不得在此二處羈留。為汝計算。獲利甚廣。永無猜疑。即將此言告知爾國王。亦必歡喜樂從。儻舍此不圖。而終年交戰。有何益處。汝等如以我言為然。亦不必另求派欽差大臣前來。我實可作主。代汝轉奏。降旨允行。以為憑據。總之通商二字。我中國並未不准。求和二字。汝國從未提及。今既有此意。我必極力成全。將此情節上達朝廷。大家同享太平之福。本大臣現授廣州將軍。不日到粵。將爾國安定一切。廣東官員亦必照此辦理。爾國儘可放心也。耆英得有復信後。該夷如何登答。即著據實密奏。斷不准走漏消息。致懈軍心。儻該逆執迷不

悟。妄肆要求。種種挾制。出於情理之外。朕亦惟有一面防堵。一面攻勦而已。將此密諭知之。

諭軍機大臣等。昨因耆英等奏。暎逆出有偽示。有直達京師講話之語。降旨諭令嚴密防範。因思天津沿海。均有攔江沙。大船不能駛進。其火輪杉板等船。乘潮皆可攏岸。然必有漢奸導引。方敢舍舟登陸。設使該逆主使漢奸。假扮商漁。潛入探道。或邀截商漁船隻。脅誘使用。必應嚴行防範。著賽尚阿。訥爾經額。設法籌防。會商妥議具奏。再逆夷詭譎異常。僥經探知天津水路。無隙可乘。或由陸路如近京之涿州良鄉等處。潛入京師。豫光埋伏。一經竄入城內。則散漫無稽。勢難查察。該督惟當嚴飭所屬

近京各州縣地方官。務於行旅客商。自南來北必由之路。認真稽查。遇有面生可疑之人。嚴加究詰。斷不可令匪徒涸跡入城。散布謠言。致滋搖惑。仍嚴禁胥役人等。不得藉端滋擾。至天津沿海火藥馬匹。當已足敷應用。現據火藥局添製火藥。存貯在京。並有察哈爾收羣馬匹。在京收放。如天津尚形短絀。即著賽尚阿酌量領具奏請。領再有人奏。天津北門外大關。有浮橋一處。為南運河歸入海河之上游。其北關外三里餘。有浮橋一處。為大清永定各河。匯歸北運河之地。俱係聯絡船隻。為浮橋。實南北往來車馬行旅。由津赴京之要津。請飭直隸總督。選派員役。駐紮橋邊。每日實力稽查。夜則調開浮橋船隻。不准私自

過渡等語。是否可行。亦著訥爾經額妥籌具奏。

江甯將軍德珠布。副都統興倫奏。竊李等於本年六月初一初三等日。連接兩江督臣牛鑑。江蘇撫臣程高。米咨開逆夷大幫船隻。現仍折回吳淞口外聚泊。有欲犯江甯省城之謠。並聞該逆在吳淞口搶掠商船。換去衣帽。欲行穿著混入內地。有多半至江甯。少半至松江之說。等因。李等當即催請揚威將軍奕經迅速前奉

諭旨。酌撥官兵。前赴京口沿江要隘處所。嚴行堵禦。並飛飭京口水師副將。派撥弁兵。駕船赴長江必由之國山關。稽查備禦。復經咨會督臣牛鑑。撫臣程高。米。京口副都統李海齡。

分飭京口水師副將及鎮江府丹徒縣一體嚴密巡防並
札飭省城城守副將督標中軍副將左營遊擊於各汛要
隘分派防堵惟是省城地方遼闊周圍五十餘里必須攻
守兼資方保無虞無如綠營兵丁除調出並防汛之外存
城無幾旗營駐防連現在奉

旨撤回抵省之兵共計二千八百餘名以之守城則無兵禦敵以
之應敵則無兵守城實有顧此失彼之患等再四籌思
省城乃根本重地人民數百萬之眾當此萬難之際不得
已仰懇

天恩俯飭就近帶兵大臣於現在所徵兵內再撥二三千名速赴

省城俾資攻守

諭軍機大臣等。德珠布等奏。逆夷欲犯省城。請就近撥兵應援。一
掛逆船現在逼近江口。江甯省城防堵緊要。昨據奕經等奏。前
後已撥兵六千餘名。前赴江蘇。並據牛鑑奏稱。現將江陰及京
口焦山一帶。布置妥協。即至省城與該將軍等會商一切。所有
江甯省城。應如何添兵防堵之處。本日已諭知牛鑑。與該將軍
等。妥商籌辦。其京口沿江各隘。前已有旨。飭令劉允孝仍回江
蘇。與齊慎擇要分屯。互為聲援。該將軍等。仍當嚴飭所帶弁兵。
實力防守。不獨省城根本之地。固應慎重。即各汛要隘。亦當一
體嚴密巡防。毋使稍有疏懈。是為至要。

兩江總督牛鑑奏。竊臣前因該逆有直犯揚子江之信。當與耆英等面商。臣親往沿江一帶相機防禦。查得大江形勢。以江陰之鳶鼻背為最要。臣暫駐無錫。居中調度。嚴飭地方文武。於該處沙線灣曲之處。暗釘椿石。並於鳶鼻背安設大礮。阻其衝突。兼豫備火攻船隻。以資延燒。復於陸路設伏。防其登岸。於五月二十六日。由驛奏

聞在案。連日據寶山縣稟報。吳淞口所泊大小夷船七十餘隻。僅留七隻。餘俱陸續向西北駛去。又據楊舍營稟報。夷船共有五六十隻。駛進福山。茲復據江陰縣稟報。初三日傍晚。該夷大輪船二隻。已乘潮駛過鳶鼻背。其在後各船。約在

一二十里之外寄碇等情。臣查鷺鼻背係南岸山背下屬深洪。夷船可從此入。是以設礮安兵。加意防堵。近因朔初。係海潮大汛。江水陡長七八尺。該逆火輪船二隻。不由背下深洪。竟由北岸繞越而過。刻下大小夷船尚在江中寄碇。自係等候火輪船。探水淺深。以定進止。臣現飛飭督防之常鎮道周頊。徐州總兵王志元。水師副將李順武等。將備防之火攻船等項。整理周密。相機截擊。惟自鷺鼻背以上。即為象山焦山。再上即為京口。除已分派員弁於焦山豫備火器阻截外。京口為江省鎖鑰。參贊大臣齊慎。本日已帶兵七百名。行抵無錫。與臣會晤後。即前赴京口。臣於

拜摺後。亦即赴京口。會督籌辦。一面飛咨揚威將軍。將派撥之江西兵二千名。礮位四十尊。星夜兼程。來至京口協防。當此我兵膽怯之後。人心震動之餘。情勢萬分危迫。臣惟有與齊慎。勉竭血誠。多方設法拒守。以仰副

聖主付畀封疆之至意。

諭軍機大臣等。牛鑑奏逆船闖入江陰縣境。現在相機防禦一摺。據奏逆船五六十隻。駛進福山。其火輪船二隻。已乘潮駛過江陰之驚鼻嘴。大小逆船均在江中寄碇。等候探水。該督現已飭鎮道將前備之火攻船。整理周密。相機截擊。齊慎。牛鑑均已趕赴京口等情。覽奏均悉。逆夷由海入江。先遣火輪船闖入江

陰。即難保無大幫逆船。跟蹤內犯。大江形勢。究與外海不同。如果逆船駛進。務將備防之火攻等船。相機截剿。一面於京口上下地方。嚴行防堵。再於驚鼻背下游。沙線灣曲處所。用船裝載沙石。填塞要害。斷其歸路。其江北口岸。亦須派員帶兵。嚴密防禦。前據奕經等奏。已將派撥之江西兵二千名。攜帶大礮四十位。擡礮一百桿。迅解江蘇。計此時當已抵蘇。著耆英。齊慎。牛鑑。劉允孝。程番采。會同商酌。於扼要處所駐紮。如兵力尚單。即著曉諭紳民人等。雇備船隻。團練義勇。激以忠義。許以重賞。既可為國殺賊。即以自衛身家。當可濟兵力之所不逮。該大臣等。務當設法拒守。於萬難之中。力求保全之策。方於國事有益。而殊

勳立奏也。本日據德珠布等奏。請撥兵應援一摺。現在齊慎年鑼業已馳抵京口。江甯省城緊要。應如何添兵防守。著該督等妥商辦理。毋稍疏懈。

盛京將軍禧恩奏。竊照本年五月二十七日。承准軍機大臣字寄。道光二十二年五月二十二日奉

上諭。前因逆夷有北赴天津之謠。有旨諭令禧恩。托渾布。相度地勢。豫籌防範。現當南風司令。難保該逆不乘風北駛。該將軍等務當恪遵前旨。將前路兵礮。移至後層。待其舍舟登陸。相機轟打。分路橫擊。著各先事豫籌。毋致臨時貽誤。儻盛京兵力尚單。著該將軍酌量截留。俾資堵剿。再前據僧格林沁奏。自備三盟

蒙古精兵三千名。於近口地方駐紮候調。萬一吉林黑龍江之兵。全赴天津。而盛京兵力不敷。即於此項兵丁內酌量截留。以為策應。著該將軍通盤籌畫。速行奏聞等因。欽此。竊思逆夷雖恃其船堅礮利。熟悉水性。然我兵總不與海上交鋒。即無所施其伎倆。既不與海上交鋒。則陸路之埋伏攻剿。必當急為講求。伏查

盛京八旗官兵。共一萬五千有奇。除各項差使外。可以操演戰陣者。省城實有四千餘名。外城共有四千餘名。前在省城挑選勁旅一千名。勤加練習。此外各兵。亦隨同操演。皆為有用之師。今又在省城加選精壯二千名。連原挑之兵。

共有三千名。足敷設伏進攻之用。並令南路之熊岳鳳凰城遼陽西路之廣甯義州各選精兵二百名。即在該城勤加操演。一遇有警。立即調赴各附近海口。協同防堵。再加海口原有之兵勇。似可無虞。兵單奉天沿海地方。千有餘里。並有人跡不到之處。勢難處處設兵防衛。所可恃者。各海口多有沙線淺灘。明險暗險。大船不能駛至。而杉板小船。則在在皆可攏岸。然亦必有漢奸為之導引。方敢舍舟登陸。奉天雖向無漢奸。惟恐該逆主使其舊有漢奸。扮作商人。潛入探道。並恐該逆邀截商漁船隻。威脅利誘。為其使用。等。遂派明白曉事委員。會同該地方官。勘明沿海

地方凡有可以通舟之偏僻小口。各就地勢設法堵塞截斷。使其無路可通。不能潛行上岸。並嚴查出入。遇有面生可疑之人。即行盤詰。究問。仍將商漁各船。收入口內。勿為逆夷所得。至水師營原有戰船。尤應加緊防範。以昭慎重。該逆前在廈門。甯波。乍浦。皆得而不守。亦未敢深入內地。其志不過在沿海擄掠。確係寇盜行徑。而所以招之使來者。皆因各口岸聚集商賈。廣積財貨之所致。設遇該逆乘風北上。即令沿海鋪商。豫為搬移。儘不願遽遷。今其認真團練。自顧身家。方期有備。至島嶼居住煙戶。類皆窮苦小民。原無財帛可圖。然為逆夷所得。則人可供役使。牛羊可

供食用。亦應飭令遷徙腹地。為堅壁清野之計。是亦窮賊
逆夷之一端。茅親歷各海口。所有扼要處所各礮位。俱已
安置後路。在陸地層層設伏。臨期厚集兵力。似不致於不
能得手。

盛京實屬根本重地。尤宜嚴加防範。茅悉心體察。按現在情
形而論。本省之兵力似已足敷。本省之防堵。儻將來時勢
不同。必須應調他處協防之兵。即欽遵原奉

諭旨。一面具奏。一面咨調。以期毋誤事機。

禧恩又奏。再。於五月二十八日。承准軍機大臣字寄。五
月二十三日。奉

上諭。著禧恩於續調派令駐紮盛京錦州之吉林兵一千名。黑龍
 江兵一千名內。各分兵五百名。飭赴山海關。交哈琅阿差遣。該
 都統俟此項官兵到關後。再將前次留關之吉林兵五百名。黑
 龍江兵五百名。飭令赴津等因。欽此。並准吉林將軍知會。此次
 續奉飭調兵一千名。分作四起。間二日行走。頭起兵於五
 月二十七日。自吉林起程。約計六月初二日。即可進威遠
 堡邊門。黑龍江兵。向進法庫邊門。等飛咨黑龍江領兵副
 都統。即照吉林章程。間二日行走。以免沿途擁擠。一面飛
 咨吉林黑龍江領兵副都統。各分兵五百名。徑行進關。聽
 候都統哈琅阿差遣。尚餘吉林兵五百名。駐紮高橋。至黑

龍江兵五百名。若令其駐紮

盛京。往返繞道數百里。中隔巨流河大凌河。如遇河水漲發。即難剋期濟渡。即難剋期濟渡。擬請將此項黑龍江兵五百名。飭令在大凌河駐紮。一遇調遣。即可迅速進行。

諭軍機大臣等。禧恩奏籌畫防夷事宜一摺。所奏均屬周妥。能中肯要。盛京為根本重地。防範夷匪。必應計出萬全。據奏逆夷船堅礮利。總不與海上交鋒。現籌陸路埋伏攻剿。並將扼要處所礮位安置。後路業於省城挑選精兵一千名。又加選精壯二千名。並於南路之熊岳鳳凰城遼陽。西路之廣甯義州。各選精兵二百名。加以海口原有兵勇。設伏進攻。均足敷用。該將軍務當

嚴飭所屬勤加操練。毋致有名無實。仍著隨時察看。如尚須調他處協防之兵。即遵前旨。一面咨調。一面奏聞。至該省沿海地方。雖有沙線淺灘。明險暗險。亦難保無漢奸導引。乘駕杉板小船。登岸滋擾。且恐該逆將帶來舊有漢奸。扮作客商及行路之人。潛入探道。並恐商漁船隻。為其邀截使用。該將軍現將偏僻小口。設法堵截。嚴行盤詰。奸宄。並將商漁各船。收回內地。水師戰船。一律防範。俱著照所議認真辦理。該逆沿海擄掠。各處果能堅壁清野。自必勢窮力蹙。所有該省海口。鋪商。著該將軍臨時酌量。飭令豫為搬移。如不願遷。即令自行團練。島嶼煙戶。亦令遷徙腹地。毋使臨時反為逆夷所用。又另片奏。前諭留駐威

京之黑龍江兵五百名擬今在大凌河駐紮。如有徵調可期。迅速進行等語。亦均著照所議行。

丁亥閏浙總督怡良。福建巡撫劉鴻翱奏。臣等於道光二十二年五月二十五日。承准軍機大臣字寄。五月十一日奉

上諭。本日奕經等奏。風聞閩浙夷船意圖會同北竄一摺。逆夷詭詐異常。保無故作北駛之謠。為聲東擊西之計。或欲再犯廈門。或就近駛向臺灣。欲圖報復。均未可定。著怡良。劉鴻翱確切查探。迅速具奏等因。欽此。查偽示所載。兵船三十餘隻。淺水港小船一百二十隻之謠。三月間即已傳訛。謂四月間即至廈

門寄碇。今已五月下旬。所傳已不確實。以臣等愚昧之見。該夷如此狡獪。設有聯解北竄之議。似可即從外洋駕駛。亦何必多此紆折。或係漢奸有意造作。以冀多雇壯勇。抑係故意傳聞。藉惑觀聽。蓋其險狡之端。不一而足。無以證其為虛。即無以證其為實。若遇事張皇。通墮其虛聲恫喝之計。若一概置之不論。又虞其乘間竊發。惟有恪遵

指示。督飭員弁。嚴行防範。不致稍存大意。以冀不致貽誤。現在逆船在鼓浪嶼者九隻。時有出入。尚無動作。前經飭令廈門同知。並商漁船隻。隨時確探稟報。一有確切之信。當即迅速馳奏。

怡良劉鴻翱又奏。再臣等接到兩廣督臣祁墳飛咨。現據中路文武探報。喫逆大巡船一隻。中巡船六隻。小巡船三隻。裝兵夷船二十隻。火輪船一隻。共三十一隻。均於四月二十四二十九及五月初二三等日。先後駛出老萬山。揚帆東去。恐係駛往閩浙等語。又據浙江巡撫臣劉韻珂鈔摺咨會。查去秋該逆攻陷定海等處時。其船共計四十餘隻。嗣雖時有增減。總不離乎此數。今定鎮兩處之船。至五十三隻。而定海縣所轄之滿山洋面。尚有逆船三隻。昨接兩江督臣牛鑑咨會。稱該逆攻犯寶山。其船共計二十六隻。是江浙兩省。現共有逆船八十四隻。較之去秋船數。增

至一倍。前所聞廈門到有夷船之說。竟屬確實等語。臣等
於五月十四日。覆奏閩洋經過夷船。往北者僅有五隻。往
南者四隻。復查五月十三日至二十五日止。南灣鎮報。五
月十八十九兩日。有二桅夷船二隻。駛往東北。二十日有
三桅夷船一隻。駛往西南。統計四月二十四日以後。北駛
之船。僅有七隻。而南駛者亦有五隻。較之浙洋現有之船。
相去懸殊。是該逆從外洋駕駛。不必盡從水線。或即劉韻
珂摺內所稱。借自天竺呂宋。無須經過廈門也。且夷船至
廣至閩。不過數日。即到。乃以市月之久。所報僅有此數。而
劉韻珂五月十五日之咨。江浙兩省之船。較去年增至一

倍。該逆詭詐之端。即此可見。所有接准粵浙兩省咨會。理合將實在過關船數。附片具奏。

硃批知道了。

戊子。浙江巡撫劉韻珂奏。竊查定海鎮總兵葛雲飛。處州鎮總兵鄭國鴻。壽春鎮總兵王錫朋。前在定海攻勦逆夷。同時陣亡。欽奉

恩旨。飭令查明該故員等子孫幾人。據實具奏等因。欽此。當查葛雲飛係浙江山陰縣人。鄭國鴻係湖南鳳凰廳人。王錫朋係順天大興縣人。鄭國鴻有子鄭鼎臣。係浙江候補批驗所大使。此外子孫幾人。及葛雲飛王錫朋子孫幾人。應檄

飭山陰縣並咨直隸湖南各督撫臣分別確查奏報。經臣
附片陳明。並分別咨行查辦在案。茲據山陰縣查明定海
鎮總兵葛雲飛生有兩子。長子葛以簡年二十三歲。讀書
就試。次子葛以敦年十八歲。現應武試等情。處州鎮總兵
鄭國鴻家屬皆隨任赴浙。茲據該故鎮之子鄭鼎臣稟稱。
伊父生伊及胞弟鼎聲二人。伊現年三十九歲。由歲貢捐
納批驗所大使。分發浙江候補。現奉

恩旨賞加四品頂戴。伊因胞伯國林無嗣。出繼承祧。伊生子二人。
長子鐸年十七歲。係監生。次子鐸年十五歲。伊弟鼎聲早
故。有子一人。鐸年十九歲。係監生。鐸已生子一人。年尚幼。

小伊之次子錡。伊父在日。亦繼與伊弟為子等情。由總局司道詳請具奏前來。臣覆覈無異。理合恭摺具奏。

諭內閣。劉韻珂奏。查明陣亡各總兵後裔一摺。原任浙江定海鎮總兵葛雲飛之長子葛以簡。著賞給文舉人。次子葛以敦。著賞給武舉人。均准其一體會試。原任處州鎮總兵鄭國鴻之孫監生鄭銑。監生鄭鏐。均著賞給文舉人。准其一體會試。用示朕表忠延賞至意。

參贊大臣署杭州將軍特伊順奏。查乍浦駐防滿營城臨海濱。逼近大洋。其東南西三面沿海。皆可登岸。兼之該處居民多係福建同安縣。並杭州甯波府屬之人。良莠不一。

難保無厯年傳遞煙土匪徒濶雜。而旗人中平時又未免有藉端勒索之弊。以致怨恨深結。非止一日。前次逆夷攻陷乍浦。並無焚燬滿營房屋。迨逆夷退出之時。皆係漢奸土匪拆燬門牕戶壁。並將南關外行家鋪戶盡行焚燬。以圖搶掠。惟藏兵廟宇及水師船隻實係逆夷焚燬。現查乍浦滿營官兵內除陣亡殉難外。僅一千二百餘名。如仍令歸駐乍浦。實不足以資防堵。且現在外患未除。又慮與在地匪徒挾昔日之嫌。滋生事端。所以前經署理杭州將軍耆英奏明。將招集乍浦滿營潰敗官兵內受傷者。飭令赴杭城醫治。其未受傷官兵就近酌留嘉興分撥防守。惟伊

等眷屬人數眾多。現在杭省滿營內。暫為安置。每大口日給錢八十文。小口日給錢四十文。雖每日發給無多。而現有眷屬三千九百餘名。合計亦屬不少。當此耗費孔多之際。不得不籌議撙節。李輾轉思維。如將該眷屬家口仍居杭省。則發給錢文。何所底止。若竟停止發給。則該兵丁等每名月領餉銀二兩。除扣還修房紅白事件借項外。實贖銀一兩數錢。且相隔二百餘里。兩處盤纏。實難兼顧。擬將該眷屬家口等。統歸嘉興駐紮。既可防守城垣。亦可兼顧家計。兩有裨益。李於四月二十四日。前赴嘉興府親歷細查地勢。該處河道四通八達。實屬扼要之地。離郡城約有

十里。東柵口外。河汊紛繁。正東四十五里。直通平湖縣。東
南八十里。即通海鹽。乍浦海口東北距嘉善縣二十六里。
正南一百一十里。可通海甯州。西南二百一十里。可通杭
州省城。一百七十里。又通湖州。正北一百九十里。直通江
蘇省城。查東柵口外十八里橋內。道路窄險。河汊灣曲。即
有眾多逆夷。亦難容身。且可伏兵擊勦。李興揚威將軍奕
經面商。業由奕經飭派漢中鎮總兵德坤。中衛協副將哈
拉吉那。管帶陝甘官兵一千名。扼要分設防堵。復查嘉興
府城。本處綠營官兵。除分設各汛防堵外。在郡官兵。只賸
一百數十餘名。不但不足以資防守。即彈壓土匪。亦恐難

以周到。拏擬將乍浦滿營官兵一千餘名。並該官兵眷屬家口。統歸嘉興暫行駐紮防堵。以壯聲勢。亦可免其兩處重支糜費。俟大功告成後。再行妥為安置。

諭軍機大臣等。特依順奏。請將乍浦滿洲營現存官兵並眷屬家口。統歸嘉興駐紮等語。乍浦滿洲營官兵除陣亡外。現存一千餘員名。著准其統歸嘉興暫行駐紮。以資防守。該官兵等眷屬家口。即令隨往郡城駐防。俾令兼顧家計。仍著該署將軍派委妥員。前往彈壓照料。毋任滋事。至乍浦防堵事宜。現今派令德坤。哈拉吉。那管帶。陝甘官兵一千名。扼要分守。著飭令該總兵等。隨時加意防備。不得稍有疏懈。

欽差大臣賽尚阿直隸總督訥爾經額奏。竊查察哈爾官兵。經臣
巴清德暨該總管史齊達什德哩克等分帶。已於本月初
九日到津。所有前經奏明擬將該官兵等分營屯駐之處。
現在委往踏勘員弁。業已旋津。勘得羊耳莊商各林車沽
圪馬棚口灰墩等五處內。仍以羊兒莊商各林為較寬。然
總不及新城一帶。水草豐肥。樹木深茂。較為涼爽。臣等公
同商推。夷船既未北駛。所有新到察哈爾蒙古兵內。除俟
犒賞後。先將擬撥大沽北塘之五百名。定地安插外。其餘
一千五百名。仍在新城一帶駐牧。其踏勘安營地方。擬暫
緩遷移。俾得休養。且該處距各海口。俱不甚遠。一有調遣。

呼吸可通。再行分撥安插。亦不致誤事。第該兵丁人數眾多。初來內地。僅交該總管等管帶。似尚不足以資彈壓。臣巴清德即日移駐新城地方照料。以昭慎重。臣等連日將防堵全局。彼此悉心講求。如濱海擊船。守臺避敵。前進焚勦。後路接應。及一切設伏誘敵諸法。已經臣訥爾經額於五月十七日覆奏籌備情形摺內。縷細備陳。除奉

硃批指示垂詢處所。臣等另摺具奏外。查逆夷性情詭譎。固宜防白晝之冒犯。尤當防黑夜之潛來。嚴正路之兵防。尤當嚴僻路之巡警。沿海一帶。自大沽南岸起。至狼坨子止。計程二百餘里。自大沽北岸起。至山海關止。計程六百餘里。已

經臣酌爾經額安設馬棚五十餘處。晝夜傳籤已足資守望。今更添馬隊。臣等酌擬即由馬隊內揀派該管官弁。分數會哨。校織巡查。耳目益周。稽查益密。即使其或乘黑夜潛來。或由僻路偷竄。亦易覺察。至

聖慮所及。逆夷上岸之隙。車一節。臣等復加體察。凡沿海處深淺不等。實皆泥淖。即使該逆得間上岸。現有傳籤會哨兵丁。賊寡可以立擒。賊眾亦無難分赴大營。及各後路馳報兜擊夾攻。臣等仍隨時申誠。到處防查。不敢稍存大意。以仰副

皇上諄諄訓勉之至意。

賽尚阿訥爾經額又奏。再吉林黑龍江官兵各五百名。前經奏明在李八廠等五處地方。分撥駐紮。沿海會哨。查李八廠。距栢各莊六十里。栢各莊距馬頭營六十五里。馬頭營距湯家河五十里。湯家河距周家營六十里。該兵丁等。梭織巡查。聲勢足以聯絡。惟周家營距臣哈喇阿駐紮之石河口。道里綿長。仍恐未能周密。臣等公同商酌。擬將續調之吉林黑龍江官兵各五百名內。酌撥黑龍江兵二百名。在適中之洋河口地方。後路屯紮。現已知會臣哈喇阿。督同地方官。擇其水草豐足之處。安營屯駐。以便往來會哨。其餘續調之官兵八百名。仍在大沽迤北。北塘迤南各

礮臺後路駐紮已足以資接應。

賽尚阿訥爾經額又奏兩江督臣牛鑑奏稱。傳聞喫逆欲以馬車馬礮運往天津肆擾等語。查海豐縣至山海關沿海一帶。上年經臣訥爾經額一律挑挖品字明暗陷坑。寬深均有六尺餘。重疊三四層不等。人行尚難擇路趨避。斷非車馬所能直衝。現因大雨時行。恐有泥沙淤墊。先經臣訥爾經額飛飭該地方官認真挑修。務使照舊寬深。仍派員逐段稽查。於先挖陷坑之後。不拘品字形勢。隨處多挖陷坑。總期逆夷車馬上岸。不陷於彼。即陷於此。仍另設標記。密為通飭。不使我兵或有誤入之虞。至濱海各處。無論

夏令潮旺。泥渚甚深。即秋後水涸。而潮汐依舊往來。其泥渚稍淺之處。設使沙灘顯露。均有明暗陷坑。密置在後。當亦非車馬所能馳驅。臣等仍加意防維。時時巡察。以防承突。

賽尚阿訥爾經額又奏。臣訥爾經額於五月二十日。承准軍機大臣字寄。道光二十二年五月十九日。奉

上諭。據訥爾經額奏。遵旨籌備一摺。又另片奏。查察天津地勢情形等語。所議各條。尚屬周妥。其中有一二處。尚須究論。以臻盡善者。著候賽尚阿到後。與該督詳細籌畫。再行具奏等因。欽此。臣等伏查前摺內奏。夷船如果駛進。度我礮可及彼船。然

後連環施放。以重子擊其船。以窩蜂子擊其人。決不可一見船影。一聞礮聲。即行開礮。以致敵船逼近。轉有礮熱難施之慮。一條仰蒙

皇上於窩蜂子擊人句旁。

硃批。應再申明。欽此。查逆夷肆逞。全恃船多礮多。將船連排橫截河面。一面開礮。一面並進。此其長技。臣訥爾經額上年曾議於河內設伏鐵錨之處。兩旁密釘木椿。接連數十丈。將河身擠窄。僅留一二船可進之路。使其船不能並到。彼在後之船。如欲開礮。必慮自擊前船。如欲下水拔椿搬錨。既非數十人所能為。而以窩蜂子裝礮擊打。傷賊更多。其前

面之船。為兩旁木椿所礙。不能衝突。用礮轟擊。與立標打
準無異。擊損一隻。方可再進一隻。該逆即有船數十隻。窮
於不能並進。當亦無所施其伎倆。曾於上年九月間。奏蒙
聖鑒。近又於中間設伏之木牌上。安礮數尊。暗伏水勇。木牌不慮
其礮打水勇於牌後。可以藏身。相機施礮。夷船在木椿之
外。足可轟擊。即有多賊下船拔椿。並以窩蜂子趁勢排打。
尤為得力。曾於三月內奏明在案。且訥爾經額。以夷船稍
大者。質必堅厚。必須大礮重子。方可擊損。其杉板小船。入
則必多。船多則賊多。窩蜂礮子一發。有數十枚。用此擊之。
所傷必眾。此以重子擊船。以窩蜂子擊人之本意。茲蒙

垂詢護道

旨申明。又葛沽一帶沿河兩岸。勘定扼要處所。分伏兵礮一條。奉
硃批。甚好。但不知其幾處埋伏。欽此。查葛沽至郟城。水路百餘里。
陸路七十餘里。臣訥爾經額前赴海口時。沿路留心察看。
共有十一處。可以設伏。惟此等地面。係防逆夷小船駛入。
全以礮火取勝。不在處處安設多兵。臣訥爾經額擬每處
暗伏二百斤以內鐵礮數尊。竹礮二三十尊。酌伏兵勇數
十名。水陸兼防。夷船萬一駛入。出其不意。相機轟擊。實屬
順勢得手。其中距城五里許之紫竹林地方。形勢尤好。遠
眺可至數里。沿河一帶村落。三五相連。林木茂翳。該逆遠

望不見我兵營盤。臣訥爾經額擬於此處安設五千斤銅礮二尊。兵一千名。紮營在彼。以期緩急足恃。且洋船來津。向在紫竹林上下一帶停泊。彈壓稽查。尤為得加。又防守礮臺一條。奉

硃批。或從旁或從後抄來。未議到欽此。查後路層層設兵。即以防其抄襲。臣訥爾經額前已於

交議十三條內。詳細奏蒙

聖鑒。又北塘迤南鹽溝。埋伏陝兵五百名一條。奉

硃批。再議。欽此。查北塘海口。距礮臺約三十餘里。其間兩岸淤灘。該逆無可登岸之地。惟距海口五六里。灘岸迤南有鹽灘。

一處。寬戶於此。曬鹽。鹽灘之外。有鹽溝一道。較他處鹽溝稍寬。向有小船在彼掣水曬鹽。可通胡超安營之新河地方。暨大沽北礮臺後路。該逆駛入攔江沙內。行六七里。即到此處。離我礮臺尚遠。礮不能及。設用杉板小船。由此處潛入。寬戶自己躲避。以內即可漸通乾岸。不可不防。臣訥爾經額前赴北塘。復行查看。因與提臣胡超商議。委督標中軍副將閔正鳳。固原提標遊擊龍澤厚。詳加履勘。洵為埋伏得力之處。擬於溝內。暗伏兵丁五百名。藏於小船之內。其地兩岸皆高。中像曲折深溝。該逆遠望不見。設伏情形。若用小杉板潛入溝內。未及可以登岸之地。我兵待其

將近。突然施放槍礮。船不能前進。亦不能折回。人船勢必俱傷。即有登岸之賊。胡超後路大隊堵截兜擒。無一漏網。實足以制勝。

賽尚阿。訥爾經額。又奏。再前蒙

發交防勦機宜十三條內。北塘北岸。尚須接應。應由胡超酌撥陝兵等語。當經臣訥爾經額。與提臣胡超商議。據稱陝兵大營駐紮新河鹽溝。設伏議派陝兵。距大營不遠。屆時撥派可無貽誤。若酌撥北岸。究隔一河。聲勢未能聯絡。臣等查北塘北岸。原有防兵六百五十名。擬於南岸防兵內。撥出三百五十名。移駐北岸。湊足一千名之數。以資接應。即於

現調本省宣化兵丁內。派撥五百名。駐紮防守。其鹽溝設伏五百名。仍由提臣胡超臨時派調。如此則陝兵可免分營。而宣化鎮石生玉。復有本標兵丁可用。似為合宜。

賽尚阿。訥爾經額。又奏。臣訥爾經額。於五月二十一日。奉准軍機大臣字寄。五月二十日。奉

上諭。奕經等奏。防勦事宜五條。可備採擇。茲先鈔錄原奏。發交訥爾經額閱看。著俟賽尚阿到後。會同相度情形。酌量布置。以臻周密等因。欽此。並將奕經等原摺鈔寄前來。臣等將原奏內。陳防堵事宜五條。逐一研究。內天津貨船。皆能抵關門一條。查向來閩廣商船到津。必先在山東登州府廟島地方。

候潮開行。迨赴大沽海口。由天津鎮委弁點收軍器。天津道委員查驗票照。然後差雇漁船。前往帶路。始可避淺入口。實不能直抵關門。現在海防喫緊。臣訥爾經額於僻港小汊。節節派有員弁。明查暗訪。不令漢奸涸迹。即本地商船。販運出海。亦飭令天津道。取其各船主切結。俾各約束。其船上舵水人等。勿為該逆所餌。設該逆果有北駛消息。即當嚴禁出入。以杜漏洩軍情。並免搶奪船隻。至店鋪廟宇。逐日輪查。凡有閑雜人等。立即盤詰根究。疊經出示曉諭。勿許妄造謠言。搖動人心。民情實為安堵。又北方地勢寬展。並該逆最畏擡礮一條。查大沽等處扼要安營。及沿

海一帶。瞭望傳籤等事。歷經臣訥爾經額具奏在案。至檣
礮輕而易舉。最為軍中利器。各弁兵演習。均能及遠有準。本年貼
該逆如敢登岸。足可得力。又建築土墩。不甚可恃。一條查
南省在沿塘近海之處。防堵逆夷。桅礮可及。土墩重疊。施
放自易坍塌。此間設防之地。本年貼既為大船桅礮所不能到。其
可以駛入口內之火輪船杉板船。雖皆有礮。勢不能如大
船之多。亦不容其切近擊放。且礮臺之上。所安土壘。前一
層用直。在礮之兩旁。後一層用橫。在礮之後身。可以避其
迎面之礮。而於後層土壘之上。又橫以木樑。覆蓋土壘。聯
絡成棚。外實中空。旁有走路。我兵裝藥裝子。皆有遮護。可

以避其高落之礮子。與其火彈火箭。其土壘皆用土袋重
壘堆成。臨時用水浸溼。不致有擊塌之虞。而前面土埧土
壘層層遮護。亦與土城無異。再接再仗之時。所有營內帳房
一切可以引火之物。擬令全行撤去。使該逆雖有火箭。亦
無能為。又逆夷聲東擊西。每當槍礮相持之際。彼必多方
從背後及兩旁繞出。或衝行陣。或截營盤一條。查大沽北
塘等處均係一面臨河。附近並無可以繞至營後路徑。礮
臺各後路層層安兵。既為礮臺接應。即以防其抄襲。亦經
臣訥爾經額詳細具奏在案。又北方地勢既曠。逆夷必以
大隊攻撲一條。查大沽北塘兩處海口。最為喫緊。兩岸一

片泥灘並無行路。即使該逆登岸。萬不得以大隊蜂擁前進。其餘各小海口。僅能駛入三板船隻。不能裝載大隊。且經挖有陷坑。重疊多層。大隊亦難施展。惟五人魚貫一排連環施放鳥槍。頗為該逆長技。現在我兵教演擡槍。亦係連環施放。且夷槍所及。不過數十弓。我兵擡槍連至二百弓。是夷槍未能及我。而我槍已先及彼。況有馬隊接應。臨時相機衝壓。自更得力。至逆夷慣用炸礮。我兵宜以散隊進攻一層。臣等現已密飭鎮將。曉諭弁兵。臨陣之時。多用散隊進攻。使其炸礮落於空處。不致傷我兵丁。

賽尚阿。訥爾經額。又奏。前蒙

交閱御史蘇廷魁一摺。內有恐我兵不知逆夷伎倆。致為驚嚇。請飭曉諭兵民人等。勿為逆夷虛聲所懾等語。查該逆在南省得手。祇在大船大礮。其餘伎倆。皆係虛聲嚇人。南方兵力柔脆。所至蹂躪。因而漢奸播散謠言。轉相傳述。冀以搖動人心。臣訥爾經額前已據所聞。編為淺語數條。交該鎮將等於訓練兵丁之時。明白曉諭。使知避其所長。攻其所短。臨時應敵。俱有準備。以操必勝之權。又蒙

交閱兩江督臣牛鑑片。內有大礮擡礮鳥槍。退設於深洪較遠七八里之處。以待陸戰等語。查該夷以船為巢穴。即以水為巢穴。進則取勝。退亦無憂。防海者靠岸為營。有退無進。江

浙等處失利。未必不由於此。臣於大沽北塘一帶所守係屬海河。距海口尚有二十餘里。安兵設礮。猶是堅壁以待之法。海面地勢寬曠。層層安設兵礮。以備陸戰。與海上交鋒情形迥異。

賽尚阿納爾經額又奏。再前准軍機大臣字寄。道光二十二年五月二十日奉

上諭。現在直隸兵丁尚須添派。著該督於所屬各營挑選步隊兵丁一二千名。前赴天津。以資防堵。更為周密。現已調察哈爾官兵二千名赴津。又調吉林黑龍江兵一千名。派往洋河口至黑沿子一帶。擇要駐紮。以壯聲威。所謂山西官兵著於河南一帶。

迅速迎提等因。欽此。臣訥爾經額當即遵

旨添調提標正定鎮標大名鎮標兵各四百名。宣化鎮標兵八百

名。天津鎮標兵四百名。來津分撥防堵。其山西兵一千名。

已由太原鎮總兵善祿迎提管帶到津。所有察哈爾吉林

黑龍江山西各該兵丁口糧均照本省奏准成案。每名每

日折給銀一錢五分。官員鹽糧照例支食。至察哈爾蒙古

兵並吉林黑龍江兵丁例應每兵給馬三匹。所需餵養如

願全折馬乾者照依上年

欽差都統哈琅阿奏案。每名給乾銀一錢五分。不願折乾者按實

馬一匹。照例日給料豆三倉升。十斤重草一束。例馬二匹。

仍給折色。

諭軍機大臣等。賽尚阿等奏。續商防堵事宜。及密奏設伏情形。遵議防勦五條各一摺。據奏察哈爾官兵。已於本月初九日。掃數到津。擬撥大沽北塘五百名。其一千五百名。仍在新城一帶駐牧。暫緩遷移。以資休養。該處距各海口不遠。一經調遣。呼吸相通。已清德移駐新城。照料等語。覽奏已悉。其逆夷黑夜潛來。亦經安設馬撥五十餘處。晝夜傳籤。足資守望。又添馬隊會哨梭巡。稽察益密。至沿海各處深淺不等。實皆泥淖。如果乘間上岸。現有傳籤會哨兵丁。分投馳報。可期兜擊夾攻等情。均著照議。辦理。仍當嚴飭管帶員弁。認真巡哨。無任有名無實。至吉林黑

龍江官兵前奏分駐李八廠等五處。尚未周密。准其酌撥黑龍江兵二百名。在適中之洋河口地方後路屯紮。牛鑑所奏。喚逆欲以馬車馬礮。運送天津肆擾。早經該督挖陷坑。不任馳驅。覽奏甚屬放心。所奏窩蜂礮子擊人之法。及沿海十一處埋伏。並北塘遶南鹽溝。埋伏陝兵各情形。所議俱屬妥當。即著照議辦理。另片奏。北塘北岸防兵。於南岸撥兵。湊足一千名之數。仍於添調宣化兵內。撥兵防守南岸。所辦甚好。其奕經前奏防勤五條。現據查明天津貨船。不能直抵關門。如有逆船北駛消息。即著嚴禁出入。以杜漏洩軍情。並免搶奪船隻。擄礮現已演習。均能及遠有準。大沽北塘各處。並無統至營後路徑。該逆亦不

能以大隊攻撲。所議均屬周妥。惟逆夷慣用炸礮。我兵宜以散隊進攻。著俟臨陣時相機布置。毋墮奸夷詭計。另片奏覆御史蘇廷魁條陳。覽奏均悉。前諭添派兵丁赴津防禦。現已調取提標及正定大名宣化天津各鎮標兵來津。分撥防堵。前後馬步隊實不為少。其察哈爾吉林黑龍江山西各兵。援案折給口糧鹽糧。並馬匹分別給予豆料折色之處。均照所議辦理。

己丑。參贊大臣齊慎奏。竊於六月初三日。帶領官兵由蘇州起程。前赴鎮江。行至無錫。與兩江督臣牛鑑會晤。知該逆火輪船二隻。已過江陰之驚鼻嘴。尚有兵船五六十隻。隨後行駛。等當即連夜趕行。於初六日午間。行抵京口。

接晤副都統海齡。詢問籌防情形。據云。業將所有旗兵。派守城垣。是夜督臣牛鑑。亦趕至京口。拏密與籌商。以京口為江甯門戶。漕運咽喉。當用重兵防守。門戶既固。則江甯庶可無虞。即蘇州浙江。文報亦無阻滯。督臣牛鑑深慮江甯省城緊要。星夜趕回防守。李隨據探報。初七日。逆夷火輪兵船。已過團山關。距京口數十里。旦夕可至。刻下鎮江客兵。除廣州將軍耆英前留一百名。在蘇州稽查漢奸外。茅僅止帶兵七百名。實形單弱。查提督劉允孝所帶官兵一千名。不日可到。當即飛行照會。囑其趕至京口。協同防禦。至揚威將軍奕經所派總兵李鍾。帶領江西兵二千名。

尚無到來確音。又據督臣牛鑑留信。止留五百名防守京口。其餘一千五百名。派赴江甯省城等語。惟現在京口情形危急。勢未敢拘泥。謹將截留官兵緣由。恭摺由驛馳奏。諭軍機大臣等。齊慎奏京口情形危急。請截留官兵協防一摺。據奏。初七日。逆夷火輪兵船。已過團山關。距京口數十里。該大臣僅止帶兵七百名。現已知會劉允孝。將所帶官兵一千名截留協防等語。劉允孝已於初五日。自王家營折回江蘇。計此時已與該大臣會晤。著即照議。協同防剿。毋致疏虞。逆夷由海入江。大江以內。淺灘暗礁。隨處皆有。該逆冒險深入。地勢未必周知。又非海洋可比。著該大臣等。懸立重賞。趕募水勇。雇備小船。暗

伏葦洲。豫備乘夜火攻。其江面官設紅船。及湖廣裝貨江船。數亦不少。水手素稱矯捷。著以重價雇覓。相機調撥。萬勿為該逆所得。是在激以忠義。勉以功名。人既盡為我用。地又有險可扼。逆夷深入之時。進易退難。當可制其死命。陸路再安布兵勇。必能得力。著齊慎。牛鑑。劉允。李超。緊妥辦。務期得手。斷不可藉口兵單。一味江岸株守。坐視逆船揚帆徑入。甚或搶奪官民財物。辦理更形棘手也。

又

諭。昨據牛鑑奏。逆船闖入江陰縣境。降旨令耆英等。竭力防範。並曉諭紳民人等。雇備船隻。團練義勇。由六百里諭知。計已接奉。

進行。本日又據齊慎奏。逆夷火輪兵船。已過團山關。距京口祇數十里。已諭令募船雇勇。趕緊辦理矣。因念逆夷橫行海隅。恃船堅礮利。且恃外洋路徑。四通八達。得以來去自如。若大江則袤延數百里。別無港汊可通大海。是出入祇此一條江路。江中處處葦洲林立。儘可埋伏小艇。豫備火攻。加以沿江船戶民人。多能泅水。或晝夜襲其船底。壞其槳舵。較海面當易得手。況逆夷即敢冒險深入。不能不從原路退回。俟其揚帆直趨鎮江揚州。江甯等處。我兵從後路多方攔截。即或該逆偶爾得手。其搶奪財物。自必仍由原路。運至大船。所雇水勇船戶。果能將其船隻奪獲。殺賊立功。即將船上所有之物。盡數賞給。其有能將

賊船焚燒者。亦必加以重賞。該逆內犯。全恃小船為爪牙。果能將小船設法殲除。自足奪其所恃。斷不可因一時失守。遽爾潰散。總當自鼓銳氣。凡有可相機致勝之策。極力籌畫。以期轉敗為功。江蘇士習民風。向稱醇謹。涵濡教澤。二百餘年。當此海疆不靖。自必志切同仇。況已窺伺沿江。剝膚災近。必有智勇之士。慕義而起。上為國家殺賊。建立功名。下即自衛身家。免遭荼毒。如果眾志成城。羣思敵愾。較之各路調集客兵。當更得力。但必有先導之人。方可聞風感奮。該省在籍大員。品望素著。眾所推服者。頗不乏人。即或官職稍卑。而謀勇可稱。鄉評風洽。亦可效忠倡義。廣募鄉勇。共襄此舉。著牛鑑。程肅采。選擇紳耆。諭以理。

勢。俾各號召義徒。自相團練。或捐資置備船械。或協力還應官兵。因此地利。濟以人和。儻能懋著殊勲。朕必施恩格外也。

庚寅。兩江總督牛鑑奏。竊臣因逆船闖入江陰縣境。當即星夜馳赴京口。與參贊大臣齊慎。會商防禦事宜。業經奏明在案。茲臣於六月初六日夜間。馳至京口。當與齊慎及副都統海齡會晤。其陸路戰守事宜。齊慎與海齡業已擇要布置。至禦之於水路。則莫善於火攻一法。臣當即督飭常鎮道周頊。鎮江府祥麟。趕緊備辦船隻木排。柴草桐油。硝磺等物。一面相視要隘。惟焦山南北兩門。號稱天險。查火攻之法。為該逆所最畏。不能用之於洋面者。以洋面水

平。而我之船隻不能駛近賊船。焦山孤峙江中。北面岸寬而灘多。南面岸窄而洪深。且溜勢東趨。有似建瓴。我之船隻木排。隱於山之西面。一字排列。俟逆船近至四五里之遠。然後乘流縱火。一齊放下。當可制其死命。即倖而得脫。亦必不敢冒險入我之重地矣。正在布置間。又據探報。該逆火輪船二隻。駛至團山關江面。被守關弁兵擊中其一隻。後梢夷匪落水者數人。當即折回。向南駛去等語。查該逆受此小創。其為糾約大幫。乘此潮大漲。一逞兇猷。無疑。臣一面嚴催該道府等多備火攻料物。一面遣人傳播。我軍在焦山江口。用火攻船數百隻。專等焚燒。以疑其心。

查團山關至京口。不過六十餘里。若該逆船三日不來。則我之器具齊備。足資延燒。仰賴

皇上天威。則江南全省。或可無慮。惟該逆詭譎萬狀。江南人心處處震動。萬一更有疏失。臣惟有誓死拒守省城。以無負

皇上付畀封疆之至意。現在火攻船已備有八九十隻。木排共六十餘排。目前尚可敷衍。臣仍嚴催趕辦。以多多益善。並面授該道府等。以用火攻機宜。後即於初七日晚間登舟。連夜趕赴江甯省城。與將軍德珠布面商守城事件。並接准湖北提臣劉允孝來咨。於初五日。欽奉

諭旨。仍令其折回江南防守。臣即飛咨劉允孝。由儀徵縣過江。至

省城會晤。又江西兵二千名。經揚威將軍派令總兵李錡管帶。來江接應。臣與齊慎面商。檄行該總兵分兵一千名。交齊慎管帶。餘一千名。即行來江防堵。所有江甯省城客兵。止有二千名。實屬單薄。再四思維。就近又無可調之兵。除再飛咨揚威將軍。遣兵來援外。謹恭摺具奏。

諭軍機大臣等。牛鑑奏籌防江口情形一摺。覽奏均悉。牛鑑馳抵京口。與齊慎海齡晤商戰守事宜。已擇要布置。現在該督馳赴江甯省城。保護根本重地。惟京口係各路匯總要道。該逆船隻所必經。若將京口設法守住。自不至分竄各處。並直犯省城。著劉允孝帶兵駐紮京口。堵禦南北兩路。即令已到江甯。仍即迅

速折回。毋稍遲誤。該逆火輪船駛至圖山關。被我兵擊中後梢。當即南駛。難保不糾約大幫。乘潮內犯。現經該督飭屬備辦火攻船隻。著即相度要隘。屆時縱火焚燒。惟雇船切宜慎密。既恐漢奸勾串。反為賊用。又恐船戶詭譎。貪取逆夷重利。臨時並不攏近。祇於空闊處所。點放虛火。黑夜之間。但見火光。不能辨其近遠。何由知其燒船。此弊不可不知。並著仍遵前旨。俟逆船直趨鎮江等處。我兵從後路多方攔截。或趁其仍由原路運回財物之際。截其後路。不難制其死命。總在該大臣等。一面激勵將士。智勇兼施。立功膺賞。一面勸諭本地紳民。協同號召義徒。齊心敵愾。該逆如果受創。必不敢深入內地。肆行無忌。據稱防堵

兵丁單薄。已由六百里加緊。諭知揚威將軍奕經。遣兵應援矣。

又

諭。本日據牛鑑奏。籌防江口情形。並以兵力單弱。請撥兵往援等語。該將軍接到該督咨文。諒已酌量辦理。浙江防堵固屬緊要。惟現當逆夷大隊船隻。竄入江境。自當先其所急。著奕經再撥兵丁一二千名。派委將備管帶。前往應援。無稍遲誤。此時逆船漸已駛入團山關。顯欲進犯鎮江揚州江甯各處。惟該省內地。祇此一條江路。該夷肆意深入。實屬自蹈危機。現已諭令齊慎。牛鑑等。截其後路。當可得手。著奕經悉心籌畫。飭令將弁兵丁。會同該督等所派各路兵勇。協力攻守。並助其縱火焚燒該逆。

船隻。僅兵到之際。正值逆船已入大江。或將欲退出江口。著即飭設伏要隘。明攻暗襲。斷其歸路。勿令該逆杉板火輪等船。與大船聯絡一氣。自可奪其所恃。如能建立殊勳。江浙一體。勿分彼此之見也。

欽差大臣耆英。署乍浦副都統伊里布。江蘇巡撫程番采奏。竊照夷船二十餘隻。在於福山口外游奕。並有火輪船向江陰靖江洋面行駛。恐礮力不能達及中洪。兩岸無從攔截。該逆可以乘風直達揚子江。業經臣等於六月初三日。恭摺馳奏在案。查由海入江。以江陰縣之鷺鼻嘴為第一重門戶。該嘴屹立南岸。可以設礮屯兵。其北岸地方。盡係沙灘。

潮落則水勢淺阻。且該處無險可據。難以設防。是以督臣牛鑑飭令徐州鎮王志元。帶兵七百名。同各本汛兵弁。在於鸞鼻背。協力防守。一面札飭太倉州知州徐家槐。豫備火攻船隻。及南岸釘椿堵截各事宜。旋據寶山縣稟。吳淞口夷船三十餘隻。俱已起碇。向西北行駛。探聞欲至江甯。並據劉河福山等處探報。夷船均由該境洋面陸續行駛。已有六十餘隻之多。復經臣等飛飭江陰等縣。一體嚴防。茲據常鎮道周頊等稟稱。初三日瞭見火輪船二隻。業由北岸繞過鸞鼻背洋面。正值大汛之期。水漲七八尺。該船順風直向上游沙線之上。乘潮行駛如飛。該處弁兵。度量

礮力難及。未經開放槍礮。後面大幫夷船相距不過一二十里。因兵力單寡不敵。難以設法堵截等情。臣等接閱之下。不勝憤恨。該逆勢既披猖。情尤詭譎。似此險要之膏肓。肯已可乘風乘潮。驀然闖進。則由此以至國山。焦山。象山等處。江面漸寬。更可揚帆直達。長江門戶。實屬一無足恃。正在萬分焦急間。又接徐州鎮王志元。常鎮道周頊稟稱。該逆火輪船二隻。於初三日傍晚。在江陰縣上流二十餘里之申港停泊。初四日辰刻。回頭東下。申刻。在江陰下流八里之黃山港寄碇。其後面船隻尚多。不能辨數。又據京口水師遊擊李澄稟稱。初五日辰刻。瞭望大幫夷船。及火

輪船蜂擁而來。連檣直上。自辰至午。已有三十六隻。後面尚見夷船。該逆如此猖獗。不特江陰對岸之靖江通州等處。人心震動。即江甯以下之揚州鎮江等府。均屬可危。儻該逆竟敢直犯江甯。則根本重地。更覺不堪設想。督臣牛鑑已馳往鎮江。會同參贊大臣齊慎等。督辦攻擊事宜。該郡駐紮官兵。尚屬不少。其江甯省城。已添由浙調回之八旗官兵八百名。又有已到之江西兵三百名。即令星速前往。以資調遣。惟揚州兵力單弱。業已由臣程禹來飛咨漕臣河臣分撥弁兵。星速前往協防。臣等仍咨會江甯將軍等。督率將弁兵丁。認真守禦。第該逆船大幫衝突。即使按

兵不動而道路已多梗阻之虞。且難保其不分投擄掠。至吳淞口尚泊有逆船四隻。腳船十二隻。太倉州稟報劉河口外。亦有二桅夷船停泊。並時見小船遊奕。自是往來接應。其居心殊為叵測。該處逼近黃浦江。恐其再犯松江府。肆行滋擾。並已咨行提鎮嚴加防範。不任乘虛分竄。以固蘇垣。

耆英。伊里布。程喬采。又奏。再正在拜摺間。接准軍機大臣字寄。道光二十二年六月初二日奉

上諭。耆英。伊里布奏。接閱首目回信一摺。覽奏可惡之至。該逆既不肯戢兵。若再事羈縻。不特於事無益。且恐有傷國體。著與牛

鑾程高米專意勦辦無稍游移等因。欽此。仰蒙我

皇上指示機宜。曷勝欽服。惟今昔情形迥異。即且暮亦多變更。現當江水盛漲。伏汛方長。該逆船折戢往來。較內港檣帆行駛。尤為迅利。且彼兵在船安坐。施放礮火。直有不可嚮邇之勢。我兵在岸露立。既無障礙。甫經敗挫。銳氣全消。大礮均已無存。兵械亦復不整。如驟與爭鋒。必難望其得力。甚至地方糜爛。民困滋深。殊覺傷心慘目。至從前督臣牛鑑所奏。水師戰船十六隻。招募各船大小七十隻。另製水輪船四隻。自吳淞失守後。均經散失。並被逆夷燒燬。無論一時備辦不及。亦斷難與彼船相持。若一意堅守。長江既為

所扼則聲勢梗阻。是戰守兩難。日久更不堪設想。惟有額
懇

天恩。俯念東南時勢。應如何曲予矜全。
救下廷臣。速議良策。務期有裨。

國計而衛民生。

書英又奏。竊查長江。惟江陰縣屬之鷺鼻背。最為險要。今
逆船已駛過鷺鼻背三十餘隻。其金焦瓜鎮相距不遠。可
以揚帆即至。是沿江州縣。及江甯等處地方。勢甚危急。伏
思長江浩渺。逼近淮泗。鹽集出沒。界近楚豫。民心强悍。在
在攸關。

聖明洞燭。何待茅纓陳。李同伊里布現在省垣駐紮。彈壓鎮撫。仍體察情形。如應前往京口應援。即酌量一人趕緊馳往。會同督臣牛繼等。熟商妥辦。其現在情形。不慮醜類之眾。第恐漢奸。有一二不軌之徒。別萌逆謀。則攻勦更屬不易。此李所以夙夜隱憂者也。李中堂奏再該逆每日閱看京報。江浙官吏皆有所聞。究竟由何處輾轉遞送。尤難測度。相應請旨飭下各省督撫。派委妥員。認真偵密詳查。一俟得其端倪。中外關防。更須嚴密。

諭軍機大臣等。昨因齊慎奏。逆夷火輪船隻。已過國山關。距京口祇有數十里。當降旨令雇船募勇。趕緊辦理。並諭耆英。齊慎。牛

鑾程高采劉允孝等。豫備小艇火攻。或該逆船揚帆開進。我兵從後路設法攔截。並懸立重賞。購募水勇船戶。及曉諭紳耆。捐資團練。以期保衛。諒耆英等。接奉此旨。即已相機籌辦。茲據耆英程高采等奏。逆船闖入江口扼要地方。現在分別防守一摺。著遵前旨。竭力籌畫防堵。毋稍疏虞。至揚州兵力單弱。本日已降旨令麟慶帶兵堵禦。斷其由江入河之路。以資江北保障。又耆英奏。逆夷每日閱看京報。請飭查拏一摺。所有遞送京報之人。即係漢奸。可恨可恶。著該大臣嚴密查拏到案。於審明後。一面即行正法。一面奏聞。又另片奏。自吳淞失守後。所有豫備戰船。及招募各船。均已散失。現在戰守兩難。請飭廷臣速議良策。

等語。前於初八日有密諭交耆英妥籌辦理矣。

又

諭。現在逆夷猖獗。有由揚子江直犯江甯之謠。該逆如由內河北駛。必多備小船。由瓜洲進口。直趨揚州。淮安各處。不可不加意嚴防。此時牛鑑駐守江甯省城。勢難兼顧。著責成麟慶。於由江入河扼要處所。嚴密防堵。毋令連縣直入。如兵力稍單。即趕緊團練水勇。設法守禦。或雇覓小船。裝載柴草。引火各物。暗伏港汊。乘夜縱火焚燒。使不得揚帆徑渡。是為至要。如防堵不嚴。稍留罅隙。致河面有夷船闖入。惟該河督是問。

又

諭寄諭兩江總督牛鑑等。據耆英奏。嘆逆每日閱看京報。請飭密查等語。該逆閱看京報。必有輾轉遞送之人。其為漢奸無疑。可恨可惡之至。著該督撫等。派員嚴密查拏。將遞送該逆京報之人。一面正法。一面奏聞。並著隨時隨地。留心稽查。務使內地機密要事。勿為該逆竊探。是為至要。

辛卯

諭軍機大臣等。逆夷犯順以來。恃其船堅礮利。橫行海上。荼毒生靈。總因內地師船。小大懸殊。不能相敵。是以朕屢降諭旨。飭令將軍督撫。但為陸守之計。勿與海上交鋒。兩載以來。迄無成效。推原其故。由於無巨艦水師。與之接戰。其來不可拒。而其去不

能追。故一切夾攻埋伏。抄前襲後之法。皆不能用。以致沿海州縣。屢經失挫。七省防邊。勞師糜餉。言之憤恨。因思逆夷所恃者。中國戰船。不能遠涉外洋。與之交戰。是以肆行無忌。若福建。浙江。廣東等省。各能製造大號戰船。多安礮位。度其力量。堪與逆夷海洋接仗。上之足殲醜類。次亦不失為尾追牽制之計。設有如定海。鎮海。廈門之事。我陸兵戰於前。水師戰於後。該逆將無所逃命。沿海州縣。庶可安堵無虞。惟是逆踪徧海。此時聞我造船。勢必設計阻撓。乘機搶劫。不可不豫為之防。著福建。浙江。廣東。各督撫。各就本省情形。詳加籌畫。密為辦理。前據奕山奏。廣東曾捐造大船一隻。頗能駕駛出洋。可見木料人工。隨地皆有。

急公好義。正不乏人。嗣後如有捐資製造戰船。破位者。該督撫查明保奏。朕必照海疆捐輸人員。從優鼓勵。惟此項船隻。必難剋期成造。事先務當密之又密。斷不可走漏風聲。致有貽誤。

又

諭。有人奏破夷之法。先破其船。用巨木捆縛有力。上置引火各物。下繫石塊。不致漂灑。安置上游。夷船入口。便將捆縛巨木順流放下。使之借助水力。急湍激發。衝擊逆船。便可破碎。又于木端用各種鐵鉤。鉤住船板。不能立脫。傳聞海外之國。曾以此法破夷。此次逆船。若由江入河。著麟慶即擇急流處所。倣照前說。製造巨木。或整或散。順勢直放。如果試驗得力。即著麟木趕辦。

俟逆船駛入。即以此法破之。務當悉心籌畫。以求有濟。

署直隸提督長春奏。道光二十二年六月初九日。承准軍機大臣字寄。六月初八日奉

上諭。著長春於古北口挑選精兵五百名。雙德於密雲挑選精兵一千名。並各準備精良器械。聽候調遣。以為京師防禦之用等因。欽此。著竊查提標中左右城守四營額兵內。除調撥海防外。存營兵丁一千一十一名。著在於提標中左右三營。挑選精壯兵丁五百名。督飭將弁。逐日加練技藝。俾資實用。嗣於本年五月二十五日。接准直隸督臣訥爾經額咨。調提標所屬口內不近海營分兵丁四百名。來津防堵等

因。於。即。在。於。提。標。中。左。右。三。營。派。撥。兵。丁。二。百。名。並。前。營。昌。平。二。屬。營。分。各。挑。派。兵。一。百。名。共。四。百。名。派。委。兼。署。提。標。左。營。遊。擊。城。守。營。都。司。林。策。勳。前。營。守。備。慶。瑞。統。領。管。帶。已。於。本。年。五。月。二。十。七。八。等。日。起。程。赴。津。防。堵。現。存。營。兵。八。百。餘。名。遵。奉。

諭。旨。隨。在。於。提。標。營。內。挑。派。精。壯。兵。丁。四。百。名。又。於。前。營。昌。平。二。屬。各。挑。派。精。壯。兵。丁。五。十。名。共。五。百。名。督。飭。營。員。將。器。械。軍。火。一。切。選。備。精。良。齊。足。併。遵。派。署。提。標。中。軍。參。將。烏。勒。喜。連。統。領。得。力。千。把。管。帶。一。奉。調。撥。立。即。起。程。刻。速。前。進。諭。軍。機。大。臣。等。長。春。奏。遵。旨。挑。派。官。兵。以。備。調。用。一。摺。該。提。標。所。

屬兵丁。節經直隸總督調往天津防堵。存營兵數無多。著仍留
各該營以備操防。毋庸再行調撥。本日已降旨。著訥爾經額於
直隸山西兵內。挑選五百名。長春俟奉旨來京。諭赴天津。即行
管帶此項官兵。其提督篆務。屆時著長春派員暫行署理。

又

諭。前經降旨。著長春於古北口挑選精兵五百名。並備精良器械。
聽候調遣。茲據該署提督奏稱。所屬各營兵丁。除節經撥往天
津外。現存營兵止八百餘名等語。本日已降旨。停其調撥。著訥
爾經額於直隸山西各兵內。酌量挑選五百名。俟長春來京。有
旨令其赴津。即將此項兵丁。交長春管帶前往。所有需用器械。

即著納爾經額挑選精良。以備攜帶。

壬辰。江甯將軍德珠布。副都統興倫奏。竊等前因逆夷攻陷吳淞。長江可慮。省城京口重地。請

旨添撥兵力協助。於五月二十四日。接奉

上諭。已諭知揚威將軍參贊大臣。酌撥一二千名。前來應援矣。等因。欽此。當即欽遵。飛咨揚威將軍去後。嗣於六月初一日。初三日。連接督撫飛咨。逆夷大幫船隻。仍回吳淞口外聚泊。欲犯江甯。等因。兵力不敷。於初四日。復經具摺馳奏。請將就近帶兵大臣。在現徵兵內。再撥兵二三千名。赴省協濟。尚未奉到。

諭旨。迨於初五初六等日。連接督撫飛咨。逆踪已連過狼山。福山。驚鼻嘴等隘。即於初十日。又接到京口副都統海齡飛咨。初八日辰刻。夷船數十隻。越過國山關。向東馬頭而來。在防官兵。開礮轟擊。逆船亦開礮轟擊。相持自辰至未。始折回國山關焦山拋泊。誠恐全數大幫來犯。京口僅有旗兵一千六百名。分布四門城頭把守。不能換替。其參贊齊慎。帶來援兵。亦止數百名。匪獨難以抵禦。而督臣所設軍需總局。及驛站。現俱無人。縣倉糧儲。不敷接濟。城內民庶。尤虞乏食。等因前來。李因省城兵單力弱。無兵可撥。當飛咨楊威將軍。迅速撥兵應援。並咨督撫撥運糧米接濟。惟是

逆鯨。現在已逼京口。而兵力單弱。實難抵禦。若沂流而上。則直達江甯。朝發夕至。雖據督臣牛鑑飛咨。署提臣劉允孝將所帶湖北兵一千名。由王家營至揚州。折回江甯。無如到省需時。儻逆夷猝至省城。綠營之兵無幾。旗營之兵守城則無以應敵。應敵則無以守城。實屬萬分危急。茲督臣牛鑑已於初八日抵省。茅等惟有殫竭愚忱。會同該督盡力防守。

德珠布興倫又奏再江甯八旗歲需操演槍礮火藥鉛子鐵彈。例由江藩司估飭城守副將造解。礮藥鉛斤鐵彈。係按年解送。有一歲儲備。其鳥槍火藥鉛斤。係按春秋二季

解送。併無儲備。李等前因逆夷在浙猖獗。即飭藩司副將
趕辦豫備迎敵藥鉛。至昨聞逆夷欲犯江甯。又復飛催趕
緊辦解去後。嗣據藩司以難以措辦。請由蘇糧局撥發。李
等又飛咨督撫。及蘇糧局。星速撥發。總未解到。李等祇得
趕緊飭令將儲備礮藥。並由旗捐資購備藥鉛共數千斤。
分派防堵。實在不能敷用。至藩司倉庫軍糧無多。亦甚堪
虞。此省中現在拮据情形也。至由焦山至江甯。江面俱皆
深闊。祇有近觀音門之烏龍山。江面狹窄。可以設伏堵截。
李等籌派旗練兵丁千餘名。隨帶大礮。於此處設伏。並雇
善泅水手。用小船裝載柴薪。伏於其後。查就近之上新河。

泊有官民木簾。速為購辦。結連駛至烏龍山江面。一有警報。即將簾攔江堵截。逆船一至。必奪折木簾。伏兵則乘此開礮轟擊。後之水手。聞聲即駛送柴薪縱火前進合攻。庶可稍挫逆勢。不致直抵城下。李等曾面晤藩司。及城守副將。督標中軍副將。左營遊擊。速為辦理。俱未遵行。茲晤督臣牛鑑會商。該督竟屬茫然。僅云未便辦理。惟有靜候守城。俟其開礮。再行抵敵。開礮等語。伏思省城兵數火藥軍糧。皆屬拮据。而近省祇有烏龍山一隘。可以設伏堵截。無奈此策滯不能行。又初十日申刻。准蘇撫臣咨稱。劉河口所泊夷船六十餘隻。乘風乘潮。已分隊闖過驚鼻嘴。僅該

逆竟敢直犯江甯。則根本重地。更覺不堪設想等語。李等實處萬分焦急。不得不縷晰備陳。

諭軍機大臣等。本日據德珠布與倫素逆船聚泊焦山一摺。又另片奏現於烏龍山設伏。並用小船裝載柴薪備攻等語。覽奏均悉。逆船越過團山關。向東馬頭而來。在防官兵。開礮轟擊。當即退去。但恐大幫來犯京口。必應嚴加防禦。該處有齊慎劉允素帶兵協防。揚威將軍撥兵往援。計已到彼。首尾互應。當不致再有疏虞。惟江甯省城為根本重地。士民間風驚惶。在所不免。著牛鑑德珠布協力同心。和衷商辦。於萬難之中。力求保全之策。斷不可稍形畏葸。株守省城。輒稱人力難施。一籌莫展。至省城

紳士不乏急公好義之人。即百姓亦豈無勇敢慕義者。惟在該將軍總督激勵眾心。諭以大義。號召團練。以滅寇氛。其軍糧一切所關匪細。斷不容稍有缺乏。糧臺現在蘇州。已有旨諭令耆蒯程高采等。設法轉輸。源源接濟。仍著牛鑑責成江甯江蘇兩藩司。安速辦理。不准稍形推諉。至火藥鉛斤。官兵糧餉。為行軍要需。豈容缺少。本日已有旨諭令程高采速籌運濟。並揀派精兵。以為聲援。至江甯地方。據稱江面深闊。惟烏龍山狹窄。可以設伏。德珠布現派兵丁千餘名。安嚴守禦。著即併力防堵。所備柴薪船隻。儘能乘機縱火。焚燒逆船。該夷自必遠遁。不敢深入。庶省城能保無虞。該將軍之功甚偉也。

又

諭。本日據德珠布奏稱。逆船聞入國山關。被兵礮擊退。現仍聚泊焦山。恐欲內犯江甯省城。已飭令牛繼會同該將軍等。妥為防禦。京口屯兵不厚。糧餉不敷。且有未經到齊之兵。情形頗為喫重。現經德珠布等。派兵在烏龍山扼要處所。併力防守。但恐逆船蜂聚。勢或不支。該處糧草火藥鉛斤等件。又覺不敷應用。者英係欽差大臣。均應統轄。有不用命。或貽誤軍情者。俱當據實嚴參。著者英。程番采。即飭蘇州藩司。於糧臺內將該二處各項需用之物。源源接濟。勿令稍形缺乏。至蘇州距京口稍遠。恐兵力應援不及。亦應於入江口隘。設法接應。使該逆有所牽制。

懼截後路。當不敢肆行深入。種種布置。全在該大臣等悉心籌畫。與京口等處聯絡一氣。首尾相顧。切不可因距彼稍遠。株守坐視。致失事機。是為至要。

又

諭。連日據牛鑑等報。逆夷船隻已入江口。停泊焦山等處。並聲言欲犯江甯等語。大江沂流而上。即係安徽連界處所。逆夷大幫船隻。雖未必能深入。其杉板小船。儘可乘潮駛進。並宜加意嚴防。程楸采此時自己派員帶兵馳赴防堵。並將軍火器械糧餉。備帶足數矣。現聞江甯告警。一切火藥糧餉。實不敷用。著程楸采趕緊寬為豫備。運往接濟。並批准精兵赴援。毋少遲延。